

Kouland 2

Episode 1: Suikerboontjies

Kerngedagte : Wanneer ons in 'n ongemaklike situasie is, wil ons maklik vir onself laat glo dat dit beter is om in te pas by die wêreld se dinge.

Doelwit : Kinders gaan 'n refleksie aktiwiteit doen om te dink oor die rede waarom ons eerder ons foute wil wegsteek, in plaas om daaroor met die Here te praat.

Steltekste: 2 Petrus 3:16, 1 Korintiërs 3:18

Bybelverhaal: Ongemaklike Aaron glo sy eie leuen (Eksodus 32:1-35)



'n Mens moet baie kreatief wees om verskillende soorte lekkergoed te kan uitdink. Een van die mees interessante van lekkergoed soorte is sekerlik die suikerboontjie. 'n Suikersoet lekkergoed in die vorm van 'n gesonde boontjie. Dit sal gevaarlik wees om sommer net aan te neem en jouself te troos dat die suikerboontjie net so gesond soos 'n regte boontjie is. Sekerlik sal 'n mens daardie les op die harde manier leer as jy baie ernstige suikersnuffels kry van te veel suikerbone. Nou wat op dees aarde het 'n suikerboontjie lekkergoed uit te waai met ons verhouding met die Here?

In hierdie wêreld word daar vir ons vertel dat onskuldige leuentjies in wit jassies nie so erg is nie. Ons word vertel dat sonde maar net deel van hierdie lewe is. Dit is eers wanneer die leuen vertel is, of die sonde gedoen is, wat die ongemaklike gevoel neersak op jou. Niemand het jou vertel daarvan nie. Die gevoel is aaklig. Dit is nie lekker om met 'n swaar hart te loop nie. Die wêreld gee weer 'n maklike uitweg. Hierdie keer is dit net 'n nuwe leuentjie wat jy vir jouself moet vertel. Soos wat die ongemaklikheid opstoot in ons harte, pleister ons dit netjies toe onder wit en onskuldige leuens en trosies. Om jouself te glo dat die sonde wat jy gedoen het nie so erg is nie, is sekerlik een van die gevaarlikste dinge wat ons kan doen. Ons laat onself glo dat ons in ons eie krag die ongemaklike gevoel wat sonde in ons lewe agterlaat kan wegdink en wegneem.

Aaron moes hierdie les op die harde manier geleer het. Hy het so ongemaklik begin voel oor die Israeliete by hom wou weet waarom Moses nie terugkom nie. Later het hulle tot by hom begin kla dat God van hulle vergeet het. Aaron kon later nie meer die vrae en die ongemaklikheid hanteer nie. Hy het ingeggee. Hy het die Israeliete beveel om al hulle goud te bring en Aaron het vir hulle 'n goue kalf gemaak soos wat hulle wou gehad het. Dit is eers toe hy besef het dat die mense hierdie goue kalf aanbid, dat hy aan 'n nuwe plan moes dink om nie daarvoor skuldig te voel nie. In plaas van om sy skuld te erken in die groot gemors, het Aaron weer aan die bou geraak. Hierdie keer, bou hy 'n tempel reg voor die groot goue kalf en sê vir die mense dat hulle 'n groot fees gaan hou om vir

God dankie te sê. Terwyl die Israeliete steeds die kalf agter die tempel aanbid, troos Aaron homself dat hy 'n goeie werk gedoen het.

Alhoewel dit maklik is om van die kantlyn af Aaron se foute uit te wys, is ons almal skuldig daaraan om onself te troos dat ons sonde en ons foute nie so ernstige saak is soos wat dit behoort te wees nie. Deur vir onself te troos met aannames en leuens oor ons foute, neem nie ons foute weg nie. Al wat gebeur is dat ons onself probeer losmaak van ons foute, terwyl Jesus met Sy lewe betaal het om dit te kan doen.

Jesus vra nie van ons om 'n tempel voor ons kalf te bou nie. Nee, Hy vra vir ons om vir Hom te vertrou met ons grootste sonde en slegste gevoelens. Hy wil elkeen wat in vertroue na Hom toe kom genees van dit wat skuldgevoelens in ons lewens bring.

Mag jy volgende keer wat jy 'n suikerboontjie eet hierdie kosbare les onthou. Ons kan nie net aanneem en vir onself laat glo dat suikerboontjies so gesond is soos regte boontjies nie. Netso, kan ons nie net aanneem of onself laat glo dat die sonde wat ons gedoen het nie so erg is nie. Jesus vra vir ons om Hom daarmee te vertrou, in plaas van om op ons eie krag staat te maak.

Aktiwiteit 1: Ontmoet & Groet

Sê die volgende in jou eie woorde: Welkom by die Kinderkerk. Ek hoop julle voel al sommer baie tuis. Baie van julle was verlede jaar al deel van die Kinderkerk. Hier is ook nuwe kinders wat vandag vir die eerste keer by ons is. Of jy nou nuut by ons is en of jy nou al van Kleuterkerk af by ons is. Jy is baie welkom. Dit is my wens dat jy hier in hierdie klas nader aan Jesus sal groei deur al die lekker aktiwiteite wat ons saam gaan doen.

Jy gaan vandag 'n Bouboek kry vir al jou lesse en aktiwiteite. Jy moet asb onthou om dit elke week saam te bring. Ons gaan elke week 'n lekker aktiwiteit saam doen en dan daarna sal ons dit in hierdie Bouboeke bêre. Agter op elke aktiwiteit is 'n paar vrae en uitdagings wat jy saam met jou mense by die huis kan doen. Op hierdie manier kan jy sommer oefen hoe 'n mens 'n geloofsles met ander deel, sodat jy dit later ook met ander mense kan deel.

(Gebruik die geleentheid om spesiale klasreëls te bespreek wat jy graag wil instel in jou klas.)

Kom ons speel 'n lekker ysbreker speletjie om mekaar beter te leer ken:

1. Kinders moet een van die volgende twee uitdagings kies wanneer dit hulle beurt is:
 - a) Neem 'n suikerboontjie in jou hand, gooi hom in die lug op en probeer hom met jou mond te vang.
 - OF
 - b) Neem 'n suikerboontjie en probeer hom in die koppie wat in die middel van die tafel staan te gooi.
2. Wanneer die kind daarin slaag om die aksie uit te voer, moet hy/sy hulself voorstel deur hul naam te sê. Hulle moet ook dan 1 ding oor hulself vertel wat waar is en 1 ding wat 'n leuen is. Die kind wat eerste reg kan raai wat die waarheid is oor die ander maat kry volgende 'n beurt. Maak seker dat elke kind in die klas ten minste 1 kans kry om hulself voor te stel.
3. Kom ons kyk wie het die mooiste opgelet. Die kind wat daarin slaag om almal se name te onthou asook 1 ding oor hulle wat waar is kry 'n spesiale prys.

Aktiwiteit 2: Leuens en trosies

Sê die volgende in jou eie woorde: Nou dat ons mekaar beter leer ken het, kom ons kyk wie kan die boodskap wat ons vanoggend gekry het die beste onthou. Watter waardevolle les kan ons by suikerboontjies leer? (laat kinders toe om te antwoord).

Mense is sommer lekker laf as hulle glo dat suikerboontjie net so gesond soos regte boontjies is. Dit is nou 'n snaakse voorbeeld, maar partykeer gebruik ons leuens en trosies wanneer ons sonde doen, omdat die waarheid ons ongemaklik laat voel.

Kom ons dink saam oor die volgende:

Koubouter Koukis:

1. Wie van julle het al iets gedoen wat jy weet nie reg was om te doen nie?
2. Hoe het jy daar leuens en trosies om nie meer so ongemaklik te voel nie?
3. Waarom is dit gevaarlik om die ongemaklike gevoel wat sonde ons laat voel met leuens en trosies weg te kry?

Kom ons lees bietjie wat sê die Bybel hieroor. Wie van julle het julle Bybel saamgebring? Ons gaan elke week kyk wie eerste die Bybelverse kan opspoor, so onthou asb. van volgende week af om jou Bybel saam te bring.

Ons stukkie vir vandag is in Spreuke 28:13.

Wenk: Is hierdie boek in die Ou Testament of Nuwe Testament geskryf?

Opgespoor! Wonderlik. Kom ons lees wat sê hierdie gedeelte.

4. Verduidelik wat hierdie gedeelte sê in jou eie woorde.
5. Waarom dink jy waarsku die Bybel ons dat dit nie goed vir ons is om ons sonde weg te probeer steek?
6. Waarom is dit so moeilik vir ons om ons foute met Jesus te deel?

Ons het vandag ook geleer hoe Aaron sy fout wat hy gemaak het probeer wegsteek het. Die verhaal staan in Eksodus 31:1-35. Aaron het agtergekom dat die mense die goue kalf begin aanbid het wat hy vir hulle gemaak het. In plaas om van met God te praat oor dit wat hy gedoen het, het hy net 'n tempel vir God voor die kalf gaan bou. Hy het homself getroos dat die mense vir God aanbid en nie besig is om die kalf te aanbid nie.

7. Hoe het Aaron self van sy fout probeer ontslae raak?
8. Waarom het sy plan nie gewerk nie?
9. Waarom werk ons planne wat ons maak om ons foute weg te steek ook nie?
10. Wat gebeur as ons self kies om ons foute reg te maak?
11. Wat gebeur as ons Jesus vertrou met die foute wat ons gemaak het?
12. Hoe kan ons 'n suikerboontjie en die verhaal van Aaron se fout gebruik om iemand te help wat 'n fout gemaak het.

Naam:


Kouland Episode 1: Aaron se Suikerboontjie oomblik

Ongemaklik het Aaron die sweet afgegee,
Hy kon net nie vir die mense 'n antwoord gee.

Arme Aaron gee toe net daar en dan in
en dit is net hier waar sy moeilikheid begin.
Hy maak 'n goue kalf van al die goue ringe,
sonder om te dink oor hierdie verkeerde dinge.

Voor sy goue kalf begin mense buig en bid,
Aaron kies toe maar om 'n altaar vir die Here,
reg voor die kalf te sit.
Hy troos sy hart dat hy geen fout of sonde maak,
maar eintlik begin sy fout nou ook ander mense raak.

(Eksodus 32:1-15)



Wanneer iemand sy sondes wegsteek, dan sal dit nie goed gaan met hom nie, maar wanneer hy sy sondes bely en ophou om sonde te doen, dan sal die Here weer goed wees vir hom

Spreuke 28:13

Kouland 2 : Familie Studie

Dierbare Koubouters Skatte!

Dit was omtrent 'n bedrywige dag in die fabriek vandag gewees. Wie sou kon raai dat suikerboontjies nie so gesond is soos regte bootjies nie? Gelukkig het my ou swakplekkie wat ek raakgeleef het vir die suikerbone vir my 'n belangrike geloofsles geleer. Gaan deel nou hierdie waardevolle les met jou mense, sodat hulle saam met ons kan groei en kan Koninkryk Bou!

Koubouter Koukis:

1. Wie van julle het al iets gedoen wat jy weet nie reg was om te doen nie?
2. Hoe het jy daarna gevoel?
3. Hoe gebruik ons leuens en trosies om nie meer so ongemaklik te voel nie?
4. Waarom is dit gevaarlik om die ongemaklike gevoel wat sonde ons laat voel met leuens en trosies weg te kry?

Kom ons lees bietjie wat sê die Bybel hieroor. Wie van julle het julle Bybel saamgebring? Ons gaan elke week kyk wie eerste die Bybelverse kan opspoor, so onthou asb van volgende week af om jou Bybel saam te bring.

Ons stukkie vir vandag is in Spreuke 28:13.

Wenk: Is hierdie boek in die Ou Testament of Nuwe Testament geskryf?

5. Verduidelik wat hierdie gedeelte sê in jou eie woorde.
6. Waarom dink jy waarsku die Bybel ons dat dit nie goed vir ons is om ons sonde weg te probeer steek?
7. Waarom is dit so moeilik vir ons om ons foute met Jesus te deel?

Ons het vandag ook geleer hoe Aaron sy fout wat hy gemaak het probeer wegsteek het. Die verhaal staan in Eksodus 32:1-35. Aaron het agtergekom dat die mense die goue kalf begin aanbid het wat hy vir hulle gemaak het. In plaas om van met God te praat oor dit wat hy gedoen het, het hy net 'n tempel vir God voor die kalf gaan bou. Hy het homself getroos dat die mense vir God aanbid en nie besig is om die kalf te aanbid nie.

8. Hoe het Aaron self van sy fout probeer ontslae raak?
9. Waarom het sy plan nie gewerk nie?
10. Waarom werk ons planne wat ons maak om ons foute weg te steek ook nie?
11. Wat gebeur as ons self kies om ons foute reg te maak?
12. Wat gebeur as ons Jesus vertrou met die foute wat ons gemaak het?
13. Hoe kan ons 'n suikerboontjie en die verhaal van Aaron se fout gebruik om iemand te help wat 'n fout gemaak het.

Dankie, vir julle saamleer vandag. Fluit-fluit ons kuier is uit, gaan versprei nou hierdie geloofsles vêr en wyd!

Skryf iemand se naam neer met wie jy hierdie boodskap gaan deel:



**1. 'n Suikerboontjie is nie 'n
gesonde boontjie nie:**

Wees versigtig om jou sonde
met 'n leuen weg te steek,
op die einde
sal jy net jouself verneuk.
Jesus nooi jou uit om jou
sonde te bely,
Om vergifnis en vrede in ruil
daarvoor te kry.
Gaan lees die raad wat
Sprenke 28:13 gee.